

Na osnovu člana 27. stav 1. alineja 6. Zakona o ustanovama („Službeni list RBiH“, br. 6/92, 8/93 i 13/94), člana 44. Zakona o pozorišnoj djelatnosti („Službene novine Kantona Sarajevo“, broj 14/00 i 25/06) i Pravila Javne Ustanove Sarajevska filharmonija, broj 05-2136/08 od 23.04.2008. godine, Upravni odbor Javne ustanove Sarajevska filharmonija, na svojoj sjednici održanoj 14.05.2012. godine, donosi:

**P R A V I L N I K**  
**o napredovanju zaposlenika u viši status**

**Član 1.**  
**(Sadržaj Pravilnika)**

Ovim pravilnikom se regulira postupak stjecanja prava prelaska zaposlenika iz nižeg u viši status.

**Član 2.**  
**(Uspješno izvršavanje zadataka)**

- (1) Zaposlenik uspješnim radom, napredovanjem i djelovanjem na povjerenim zadacima iz domena višeg statusa opisanim sistematizacijom stječe pravo na prelazak u viši status.
- (2) Da bi se zaposleniku mogao priznati viši status, umjetnik treba u nižem statusu da kontinuirano umjetnički djeluje najmanje dvije godine
- (3) Ako zaposlenik ne ispunjava uslov iz stava (2) svoje iskustvo je dužan dokazati ostvarenim domaćim i inozemnim prestižnim priznanjima i nagradama.

**Član 3.**  
**(Polaganje audicije)**

- (1) Da bi se zaposleniku mogao priznati viši status, zaposlenik je obavezan položiti audiciju
- (2) Održavanje audicije za napredovanje se najavljuje najmanje 4 mjeseca ranije i na istoj se izvodi program iz standardnog repertoara za audicije kao i solističke orkestarske dionice.
- (3) Audicionu komisiju čine 3 člana od kojih jedan član mora obavezno biti iz dionice za koju se polaže audicija

**Član 4.**  
**(Redovno i prekoredno napredovanje umjetnika)**

- (1) Napredovanje zaposlenika se vrši postepeno.
- (2) Napredovanje umjetnika sa izvanrednim rezultatima, uspjesima i nagradama može biti sa preskokom u viši status.

**Član 5.**  
**(Postupak verifikacije višeg statusa)**

- (1) Nakon održane audicije, Audiciona komisija zapisnikom konstatuje da li je kandidat položio ili ne
- (2) Na osnovu zapisnika iz stava (1) direktor JU Sarajevska filharmonija predlaže Ministarstvu kulture i sporta donošenje odluke o napredovanju zaposlenika u viši status.

**Član 6.**  
**(Vraćanje umjetnika u niži status)**

- (1) Zaposlenik može biti vraćen u niži status, ukoliko iz bilo kojeg razloga u kontinuitetu ne ispunjava povjerenog mu statusa na potrebnom nivou.
- (2) Izuzetno, zaposlenik ne može biti vraćen u niži status, ukoliko ima navršenih 60 godina života ili se nalazi na liječenju od profesionalne bolesti, dok liječenje traje.

**Član 7.**  
**(Planiranje sredstava u Budžetu)**

- (1) Javna ustanova Sarajevska filharmonija je dužna blagovremeno planirati sredstva u Budžetu za redovno i prekoredno napredovanje zaposlenika u viši status i viši platni razred.
- (2) Ukoliko u budžetu za tekuću godinu ne budu obezbijeđena dovoljna sredstva za napredovanje zaposlenika u viši status i viši platni razred, donošenje Odluke o napredovanju zaposlenika u viši status se odgađa do usvajanja Budžeta iz stava (1) ovog člana.

**Član 8.**  
**(Stupanje na snagu )**

Ovaj Pravilnik stupa na snagu danom donošenja, a objaviće se na oglasnoj ploči Javne ustanove Sarajevska filharmonija.

Broj: 38/05/UO/12  
Sarajevo, 14.05.2012. godine

**PREDSJEDNIK UO**  
  
\_\_\_\_\_  
**Suad Selimović**

*Sl. zabilješka:*

*Pravilnik o napredovanju zaposlenika  
objavljen na sl. ploči dana 18.5.2012.*

*Aisa Sutanović*  
**Bosna i Hercegovina**  
**SARAJEVSKA FILHARMONIJA**  
**Obala Kulina Bana9**  
**SARAJEVO**

**Bosna i Hercegovina**  
**SARAJEVSKA FILHARMONIJA**  
**Obala Kulina Bana9**  
**SARAJEVO**



Broj: 12-34- 17972/12  
Sarajevo, 17.05.2012. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 33/05) i člana 16. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 7/08 i 16/08-ispravka, 14/10 i 30/11), a na zahtjev Javne ustanove Sarajevska filharmonija, broj 966/05/O/12 od 17.05.2012. godine, donosim

**ODLUKU**  
**o davanju saglasnosti na Pravilnik o napredovanju umjetnika u viši status**

**I**

Javnoj ustanovi Sarajevska filharmonija daje se saglasnost na **Pravilnik o napredovanju umjetnika u viši status, broj 38/05/UO/12 od 14.05.2012. godine.**

**II**

Ova odluka stupa na snagu danom donošenja.

**Dostaviti**

1. Javna ustanova,
2. Evidencija
3. a/a



**MINISTAR**

**Ivica Šarić**

